

Anak Orang Asli buktikan mampu genggam ijazah



- Wah Tiza (kanan) dan Roshanila bersama ijazah masing-masing.

GONG BADAQ - Status anak Orang Asli bukan batu penghalang bagi dua pelajar Universiti Sultan Zainal Abidin (Unisza) untuk mencorak kecermatan sehingga berjaya memperoleh sepenghargaan ijazah.

Wah Tiza Uda, 24 dan Roshanila Hong Chiang, 23, masing-masing menerima ijazah sarjana muda masing-masing bersempena Majlis Konvokesyen Unisza.

Wah Tiza merupakan graduan jurusan sains komputer, manakala Roshanila pula merupakan graduan dalam jurusan perakaunan dan ijazah kedua-duanya disampaikan oleh Pro Canselor Unisza, Tan Sri Datuk Dr. Mohamad Yusof.

Ketika ditemui, Wah Tiza menyatakan kegemilangan dan kebangga dengan kejayaan diperolehi yang sekaligus membuktikan anak Orang Asli juga mampu me-

lakar kejayaan dalam akademik. "Sepanjang mengikuti pengajian di Unisza, saya tak pernah disisihkan oleh rakan-rakan dan pensyarah, malahan hubungan kami cukup rapat dan mereka banyak membantu sepanjang saya berada di universiti ini.

"Lebih mengembirakan apabila saya berjaya menamatkan pengajian dengan gred 3.65. Selepas ini saya bertastrat menyambung pelajar di peringkat sarjana kerana cita-cita saya adalah untuk menjadi seorang pensyarah," katanya gadis Suku Semai yang berasal dari Batang Padang, Perak itu.

Roshanila pula menyifatkan ijazah sarjana muda diterimanya cukup bermakna kerana dia merupakan pelajar kedua dalam kalangan penduduk di perkampungannya yang berjaya melangkah ke menara gading.

Gadis Suku Jakun dari

Muadzam Shah, Pahang, itu memberitahu, saudaranya merupakan inspirasi kerana kejayaannya melanjutkan pelajaran ke peringkat universiti dan dia sendiri begitu teruja untuk mengikuti jejak langkah tersebut.

"Saya gembira kerja berjaya masuk ke program matriculasi, seterusnya menyambung pelajaran di peringkat ijazah sarjana muda di Unisza. Saya harap saudara-saudara saya yang lain di perkampungan kami turut memasang cita-cita untuk ke universiti.

"Pihak Jabatan Kemajuan Orang Asli (JAKOA) juga sentiasa membantu pelajar-pelajar daripada masyarakat Orang Asli untuk melanjutkan pelajaran terutama dari sudut kewangan," katanya yang kini bekerja di sebuah syarikat swasta sebagai eksekutif akaun/cukai.